

Dem Durchleuchtig-

sten Hochgebornen Fürsten vñ Herrn/
Herrn Johann Friedrich / Herzog zu Stettin/ Poms-
mern/ der Cassuben vnd Wenden/ Fürst zu Rügen/ Grafe zu
Guzkow/ vnd Herz der Lande Lawenburg vnd Bü-
tomer. Meinem gnädigsten Fürsten
vnd Herrn.

Die Mathematische vnd Geo-
metrische Kunst ist von wegen ihrer dienst-
haffigen nutzbarkeit / zu allen zeiten / bey
den verständigen in höchster Recommendation gewe-
sen/ Dañ alle proportz der abmessung/ so wol die Linien
nach der höhe/ tieffe vnd weite/ alle oder acker Feldmes-
sung/ alle Solidische Körper/ als Fässer/ Seulen/ oder
Gebäw / auch den lauff des Firmaments/ der Son-
nen/ Mond vnd Stern / durch diese Kunst solvirt vnd
vnd observirt werden.

Vnd ob wol zu solchem gebrauch vnterschiedliche
Instrument / von vil gelährten Personen beschriben/
habe ich Gnedigster Fürst vnd Herz/ da ich auß Ewer
Fürstl. Durchl. gnedigist schreiben / vnd sonst vnter-
thenigest / den grossen lust vnd hohe erfahrenheit / so
E. F. D. zu dieser Kunst haben/ erfahren: vntershen-
gest den Vsum Quartæ oder Quadrantis Geometrici
zum andern mahl vnd von neuem zubeschreiben für-
genemen/ vnd den/ augenscheinlicher vñ gründlicher/
als er (wie ich vermene) biß dato nicht an tag kommen/

A ij

demons